

潘氏太君墓志铭

始祖妣潘氏，原籍江西，明洪武初，始祖受卿公授指挥将军职，偕妣至宝郡赴任。有子四：长、源通公，以贤良方正，为县教谕；次、源善公，洪武五年举孝廉，为郡教授；三、源庆公；四、源智公及武冈摇乱，祖衔命往征，随推其四子源智公行。祖卒，智公即于白仓袭父职，因家焉。妣与源通公、源庆公落籍于邵西永城乡。妣卒，葬鹤田长滩宅内，寅山申向。先有煤矿其隘，今复鸠工庀材而扩大之，下立月台为展墓，恐其有碍于马鬣封也，左右复立禁碑，以示久远。

夫自明迄今已四百多年于兹矣，子孙星罗棋布，庆昌炽藉，非流泽孔长，曷克至此。

铭曰：涓涓流水，苍苍行云，平冈秀起，历世如新，泽沛苗裔，继继绳绳，而昌而炽，懿德之征，永绥后祿，貽厥子孙。

灵山秀气结平川，郁郁佳城岂偶然，白鹤飞归陶母侧，青鸟唤起石龙眠。饶地武邵双流合，自是西南一脉连，四百余年幽泽溥，儿孙罗拜月台前。

（复录自《邵阳何氏通谱》）